

北京圖書館 編

北京圖書館藏珍本
年譜叢刊



第 97 冊


北京圖書館出版社

□ 北京圖書館 編

北京圖書館藏珍本
年譜叢刊

北京圖書館出版社

第 97 冊



第九十七冊目錄

蟻園自記年譜	一
永宇溪莊識閱歷	九七
吳敬梓年譜	一三五
陳句山先生年譜	一八五
可齋府君年譜	三二五
馮潛齋先生年譜	四八五
秋谷居士自撰年譜	五七五
全謝山先生年譜	五九一
清詩人王用晦先生年譜	六三九

蟻園自記年譜

康熙三十八年己卯二月十六日申時蟻園生於蒲
坂時先大父少叅公諱自肅任山西河東監司先
君贈司寇諱象默公暨先母孫夫人以子舍隨任
生蟻園於官署先是前大母呂宜人生世父贈學
博公諱旭早卒無後繼再從伯諱景公子單縣司
訓紹甲為嗣三先伯明經公諱象義四先伯黃梅
令贈方伯公諱象寬俱庶祖母徐孺人出先王母
張宜人生先君及先妣孝廉公諱象弼蟻園之生

距先伯兄司訓公之嗣先世父已二十八年於從
兄弟行第二實為先大父嫡出第一孫先大父以
治詩經成進士名蟻園曰紹詩字二南欲蟻園之
克繼前業也

庚辰蟻園年二歲先少叅公以年解組歸

辛巳蟻園年三歲先夫人於懷抱授小學

壬午蟻園年四歲

癸未蟻園年五歲

甲申蟻園年六歲始入家塾

乙酉蟻園年七歲六月弟紹禮生

丙戌蟻園年八歲

丁亥蟻園年九歲

戊子蟻園年十歲就外傳授經是年從伯中翰公諱

瑛舉于鄉即次男壇之嗣祖也

己丑蟻園年十一歲

庚寅蟻園年十二歲

辛卯蟻園年十三歲

壬辰蟻園年十四歲三月十七日先少叅公卒

癸巳蟻園年十五歲

甲午蟻園年十六歲先伯黃梅公舉于鄉

乙未蟻園年十七歲

丙申蟻園年十八歲娶王夫人邑少宰諱清公曾孫

女候選學正諱若梓公孫女候選州司馬諱重燾

公女夫人年十九嫻內則女工不輕言笑善事先

贈公與先夫人族黨稱賢十月弟紹申生十一月

葬先少叅公於邑東漩灣祖塋之次

丁酉蟻園年十九歲

戊戌蟻園年二十歲

己亥蟻園年二十一歲歲試補博士弟子員學使者
陳公恂也二月長子垣生

庚子蟻園年二十二歲

辛丑蟻園年二十三歲

壬寅蟻園年二十四歲

雍正元年癸卯蟻園年二十五歲先妣孝廉公舉于
鄉先伯黃梅公成進士廷試一等發湖北以知
縣用

甲辰蟻園年二十六歲五月二十日先母孫夫人卒
夫人厯下名族知書識大體事先王父母先意承
志如女子之事父母先王父母愛重之先贈公性
恬淡於物寡營樂志琴書不問家人生產門外事
先妣孝廉公佐之門內事先夫人佐之夫人性莊
嚴言笑不苟余兄弟稍不率輒加譴責不少恕故
余兄弟之少有成立賴母訓居多疾大漸囑於沒
後務葬先王父母墓側示存歿不敢離翁姑也垂
革病渴思食域瓜以非時不可得故余終身不敢

食域瓜十一月次子壇生

乙巳蟻園年二十七歲先贈公娶繼母楊夫人

丙午蟻園年二十八歲隨先伯父黃梅公於咸寧任

丁未蟻園年二十九歲在咸寧是歲先伯以前在黃

安任內斷獄失出鑄級引

見奉

旨仍發湖北旋補黃梅令余亦隨之黃梅

戊申蟻園年三十歲十月二十二日奉

上諭著京官主事以上外官知縣以上各舉品行材猷可

備任使者一人即親戚子弟不必引避嫌疑先伯
以余家世受

國恩見余隨任數年稍知留心吏治遭逢
異數正馳驅報効之時欲以余名應

召迺虔告祖先寄書先贈公具申部牒畢而後命余並教
以立身服官報

國之道余受牒惴惴而不能辭

己酉蟻園年三十一歲詣吏部投牒列第十班引
見時同班某以錢糧十月不完應逮家屬陳奏

憲皇帝以可否遍詢諸人余在班末獨以斷斷不可對稱
上旨當奉

諭旨分部學習籤分刑部堂派浙江司余感激

天恩念刑名動關民命事無大小必悉心講求有所見必
商之同官先進折衷既定而後呈堂西曹為先少
叅公舊時服官地先贈公寓書訓余曰昔少叅公
每謂刑官能生殺人惟當虛衷體貼人情順理為
之古人以刑罰當為仁若有意重輕便非協中之
道余先後在刑曹最久一知半解不敢稍設成心

感

主恩遵先訓也

庚戌蟻園年三十二歲在西曹無辦湖廣司事六月
季弟紹昆生弟少余三十一歲先贈公以紹昆命
名欲其動罔不從兄並欲余愛之教之俾有成立
今弟為儒學博士尚率余教惟謹

辛亥蟻園年三十三歲在西曹

壬子蟻園年三十四歲在西曹行走三年本堂於同
舉各班分部諸人內試得張君周暘胡君寶琳姜

君泰嗣及余四人以辦事明練奏請留部引見奉

旨看來果係明練之員俱著留部

癸丑蟻園年三十五歲在西曹兼辦河南司事

甲寅蟻園年三十六歲二月份經本部題授七品小京

官辦理湖廣司事先是奉

旨留部後經吏部酌議職銜以六部司員內惟主事秩僅六品然係進士學習三年留部後始准題授保舉之舉貢生監等雖同一分部學習究與留部進士

有間嗣後俱照中行評博等官之例授為七品小京官故余得授是職是年冬先贈公以先母孫夫人停柩十年奄忽未葬至是余始叨一命乃寓書京師命余請假營葬事余奉書即請假三月歸時先贈公已率弟紹禮等經營葬具所有一切附棺儀物俱先期置備遂於十二月二十日葬先夫人於先王父母墓側成先夫人志也

乙卯蟻園年三十七歲正月假滿回京在西曹八月二十三日

世宗憲皇帝龍馭上賓

今上即位朝夕哭臨余在京負秩竄卑隨百官後齊集
敬念

憲皇帝知遇之恩輒涕泣不能止恭遇

覃恩封先贈公為文林郎贈先母孫夫人為孺人封繼
母楊夫人為孺人

乾隆元年丙辰蟻園年三十八歲在西曹長子垣補
博士弟子貢弟紹禮舉於鄉是歲開律例館纂輯
雍正三年以後定例以大學士徐文穆公與尚書

慶公復楊公超曾為總裁時徐公總理刑部以余稍諳律例令以原銜充纂修官

丁巳蟻園年三十九歲在律例館崇修名例二卷名例為律例全書之綱領講讀律令之門徑稍有岐誤即全旨皆失余詳叅箋釋輯註及有關律例諸書悉心考證綱舉目彰經歲竣事總裁諸公及諸同事咸以為允是年春迎先贈公於京邸時先贈公得類中疾已經年至京後調理就愈於小春返里門十二月經本堂來文端公與孫文定公保題